





1757. 2 50 33
FACULTATIS JURIDICAE

EX-DECANVS

HIERONYMVS
FRIDERICVS
SCHORCH,

ICTVS,

SACRI PALATII CAESAREI COMES, ELECTO-
RAL. REGIM. CONSILIARIVS, MEMORATAE
FACULTATIS ADSESSOR ET PROFESSOR PAN-
DECT. PVBL. ORDIN. CIVITAT. CONSVL SE-
NIOR, NEC NON ACAD. ELECT. MOGVNT.
SCIENT. VTIL. DIRECTOR,

L. B. S.

*da impensis in rem oppignoratam fidei commissum
factis quatenus restituendae sint?*

ERFORDIAE,

Typis HERINGIANIS, ACAD. TYPOGR.

FACULTATIS IURIDICAE

EX-DECANVS

HIERONYMVS

FRIDERICVS

SCHORCH

ICVS

SACRI PALATI CAESARIS COMES, ELECTOR
PAL. REGNI CONSILIARIVS, MEMORABILIS
FACULTATIS IURIS PROFESSOR IN
REG. PVBL. ORDIN. CIVITAT. CONSUL. SR.
NOR. NECNON ACAD. ELECT. MOGUNT.
SCIENT. VICE DIRECTOR

L. B. S.

ERFORDIAE

TYPE HERINGIANIS ADAB. 1770.





Ingentes saepe & grauiffimae exoriuntur li-
tes, si forte debitor rem olim pignori da-
tam, & adhuc a creditore possessam, re-
luere animo intendit. Neque enim tum
fortis solum, verum etiam impensarum
in rem oppignoratam factarum restitutio-
nem petere creditor solet, & non raro tanta cum duri-
tia & iniquitate, vt facile sit ad intelligendum, eum id
maxime agere, vt debitorem a luitione absterreat, vel
prorsus excludat. v. LEYSER *Medit. ad Spec. 156. med. r.*
vbi in multos creditores illud Plauti conuenire ait: *Ego*
istos noui polypos, qui, vbi quid tetigerint, tenent. add.
GAILL. L. 2. *obs. 12. in f.* Quod si igitur creditor debi-
tori pignus redimere volenti obuiat, se magnos sum-
tus in rem pignori acceptam impendisse, eosque sibi
ante, quam pignoris possessione cedat, restituendos ef-
se, acriter vtplurimum disputatur, an & quatenus de-
bitor ad expensarum in pignus factarum refusionem
obstrictus sit? Plane quod fructuum percipiendorum
causa a creditore erogatum est, nulla ratione repeti pos-
se, sed cum fructibus compensari, inter omnes constat.

v. l. 3. §. 1. D. de impens. in res dotal. fact. at quod impensas in ipsam rem pignoratam factas attinet, *necessariae* inprimis ab *utilibus* distingui debent. Illas, quia habuerunt in se necessitatem impendendi, l. 1. §. 1. D. eod. & si factae non essent, res aut peritura, aut deterior futura fuisset l. 79. D. de Verbor. signif. debitor haud dubie teneretur adgnoscerere, cum alioquin locupletior fieret cum creditoris damno; vnde ius Romanum ob tales impensas creditori vel ius retentionis, vel, si pignus perierit sine eius culpa, actionem pignoratitiam contrariam concessit. l. 8. pr. D. de pignorat. action. l. 7. C. eod. quae remedia eidem competunt, quamuis debitor, ne eiusmodi impensae in pignus fierent, prohibuerit, cum & Reipubl. vt res ciuium conferuentur, & creditoris intersit, vt pignus factum tectumque maneat. LEYSER. *Medir. ad π c. l. med. 4. MEV. P. 3. decis. 119.* Si tamen tales impensae immoderatae ac debitori nimis onerosae sint, creditorem eas non recuperare, sed solum, absque detrimento rei pignori suppositae, auferre posse existimamus, vrut in similibus casibus secus videatur SCHRADERO in *Tract. Feud. P. II. Part. 9. sect. 2. n. 86.* ROSENTHALIO de *Feud. c. 10. concl. 43. n. 94.* aliis. Nam quatenus sumtus impensi modum excedunt, superflui sunt, atque adeo pro necessariis haberi nequeunt. MEV. *c. decis. 119.* Quoad *vriles* impensas, quae citra necessitatem ad solam utilitatem factae sunt, remque oppignoratam meliorem, fructuosiore & praestantior reddunt, c. l. 79. §. 1. D. de V. S. ambigendum quidem non est, earum repetitioni locum esse, si voluntate debitoris vel expressa, vel tacita, veluti si inchoatas à debitorum creditor perfecerit, infumtae fuerint, l. 25. D. de pignorat. action. LYNCKER *Vol. I. Resp. 148. n. 9.* nisi forte

te debitor post inceptam impensam facultatibus lapsus, ideoque verisimile non sit, eum dictam expensam continuare voluisse, prout post alios declarat NEGVSANTIVS de pign. & hypothec. P. 7. m. 3. n. 18. Sed si de debitoris voluntate non liquet, res maioribus premi difficultatibus videtur. GYNDLINGIVS de iure oppignorati Territor. §. 104. putat, creditorem vtilis impensas indiscriminatim repetere posse, licet futurum sit, vt hac ratione difficilis reddatur reluitio, indeque vltcrius infert, vix eam felicitatem obuenturam esse WORMATIENSIBUS, vt dimidium Ladenburgi reluant, cum impensae ac sumtus Electori Palatino prius sint cum sorte restituendi. Verum ab hac sententia non immerito discedit LEYSERVS d. Specim. 156. med. 1. eo quod ius nostrum praecipit, hoc semper temperamentum seruandum esse, vt debitor non cogatur oppignorata re carere pro quantitate sumtuum; neque enim aequum est, aut quaerere debitorem alios creditores, aut cogi distrahere, quod velit receptum, aut creditori penuria coactum derelinquere. c. l. 25. D. de pignorat. act. Vnde consequitur, debitorem reluentem, si ferendis sumtibus a creditore ad perpetuam pignoris vtilitatem impensis par sit, eos reddere oportere: e contrario si pauper vel in ea conditione sit, vt, si tales sumtus soluere cogere- tur, pignore prorsus carere deberet, ab eorum refusione absolvendum esse, cum non sint vtilis impensae, quae tam magnae sunt, vt dominus cogatur rem pro derelicta habere, sed eae potius in fraudem domini factae esse videantur. BRVNNEMANN. in d. l. 25. n. 1. GAILL. c. obs. 12. circa f. LAVTERBACH. Colleg. Theor. Pract. L. 13. T. 7. §. 29. medie igitur haec a iudice dispicienda esse monet VLPIANVS in d. l. 25. vt neque delicatus de-

bitor, neque onerosus creditor audiatur, id est, ut nec debitor quascunque impensas ferre recuset, nec creditor debitorem nimis oneret, & impensis maioribus hoc agat, ut luitionem debitori reddat difficilem, vel plane impossibilem. BACHOV. *de Pignor. L. 3. c. 9. n. 4.* Quod cum summa aequitate nitatur, in aliis etiam casibus locum inuenit. *v. l. 38. D. de rei vind.* ut puta si quaestio sit de restituendis fideicommissarii haeredibus impensis in rem fideicommissi subiectam, terogatis. *v. KNIPSCHILD. de Fideicommiss. famil. nobil. c. 12. n. 188.* vel de refundendis Vasalli heredibus melioramentis & impendiis in feudum factis. SCHWEDER. *de meliorat. feud. c. 6. §. 4.* De caetero si debitor a restitutione expensarum liberatur, creditor eas auferre siue tollere non prohibetur, modo illud absque detrimento rei pignorate fieri queat, secundum allegatam *l. 38. D. de rei vindic.* Verum argumentum hoc latius prosequi iam non vacat. Copiosius de eo in Lectioe, quam vocant, *Cursoria ad l. 25. D. de pignoraz. act.* disseret

PLVRIMVM REVERENDVS ATQVE CLARISSIMVS

Iurium Candidatus,

D O M I N V S

IACOBVS ENGELBERTVS
BIRCKENSTOCK

Natus est is in Rhingauia, provincia Moguntina, Erba-
ci die X. Maii anno MDCCXXXIII. nobilissimis pa-
rentibus Domino PETRO NICOLAO BIRCKENSTOCK &
MARIA FRANCISCA BATA SCHVMAN. Optimi hi paren-
tes, iactis primis religionis & litterarum fundamentis,
Con-

Confluentiam eum litteris humanioribus imbuendum
misere, iisque absolutis reuocarunt Moguntiam, vbi
Plurimum Reuerendi P. BERNARDI FRITZ S. I. P. P.
philosophicas frequentauit praelectiones, ibique laurea
Magisterii condecoratus, animum ad iurisprudentiam
adplicauit; quare in Iure Canonico, Publico, Naturali,
Ciuili, Feudali, Historia Imperii R. G. Celeberrimos
VIROS LVDOVICVM BEHLEN, IOANNEM GEORGIVM NEV-
REYTER, pie iamiam defunctum, & FRANCISCVM ANT.
DÜRR habuit praeceuntes, de Canonicatu ad Insignem
Ecclesiam Collegiatam in Rees, ciuitate Cliuensi, pro-
vifus. Nauata vltra triennium Iurisprudentiae opera,
ante annum Erfordiam profectus, Viros Celebratiffi-
mos Illust. DE BELLMONT, CONRAD. WILH. STRECKERVM,
IOAN. GEORG. BRÜCKMANNVM, & GVIL. BEER expla-
nantes Pandectas, Ius feudale, Publicum, Historiam I.
R. G. adiit, ac meas etiam praelectiones ad Pandectas
diligenter frequentauit. Negotiis autem, quae ipsi in-
cumbunt, hac Electorali Vniuersitate decedere iussus,
Ordini nostro laudabile, quod iniit, Consilium ad su-
premos in Vtroque iure adscendendi honores, modeste
aperuit, petens simul, vt eius in iure acquisita scientia
mediante Examine Rigoroso exploraretur. Textus
igitur haud vulgares ex Vtroque Iure eidem transmissi
sunt, quos erudite explanauit, & in ipso examine ad
propositas quaestiones adeo docte prompteque respon-
dit, vt vnanimi sententia dignissimus iudicatus sit, qui
ad vteriora Specimina Inauguralia admitteretur, &
desideratis honoribus doctoralibus condecoraretur.
Quamobrem crastino die Lunae d. XXV. April. Lectio-
nem Curforiam ad l. 25. D. de pignorat. action. habebit,
eaeque finita ipsam Disputationem Inauguralem

AD

AD

TIT. X. LIBRI II.

F E V D O R V M

sine Praefide tuebitur. Quos actus solennes vt Magnificus Vniuersitatis Rector, Illustrissimi Comites, Perillustres Barones, nec non Academiae Proceres ac Ciuces praesentia sua atque frequentia splendidiore reddere non dedignentur, submisit, officiose & amice rogantur. Publ. sub Sigillo Facult. Iurid. d. XXIV. April. A. O. R. MDCCCLVII.




ULB Halle
005 355 710

3







B.I.G.

Farbkarte #13

1757, 2
FACULTATIS JURIDICAE

EX-DECANVS

HIERONYMVS
FRIDERICVS
SCHORCH,

ICTVS,

SACRI PALATII CAESAREI COMES, ELECTO-
RAL. REGIM. CONSILIARIVS, MEMORATAE
FACULTATIS ADSESSORET PROFESSOR PAN-
DECT. PVBL. ORDIN. CIVITAT. CONSVL SE-
NIOR, NEC NON ACAD. ELECT. MOGVNT.
SCIENT. VTIL. DIRECTOR,

L. B. S.

*de impensis in rem oppignoratam fidei commissum
factis quatenus restituendae sint?*

ERFORDIAE,

Typis HERINGIANIS, ACAD. TYPOGR.